

明清以來公藏書目彙刊

本社古籍影印室 輯 北京圖書館出版社

27





明清以來公藏書目

彙

本社古籍影印室 輯
MINGQINGYILAIGONGCANG
SHUMUJIKAN

27

刊



涵芬樓燼餘書錄

涵 齋 錄

步 餘 書 樓

顧廷龍署



山陰縣志

序

余既受商務印書館編譯之職。同時高夢旦、蔡子民、蔣竹莊諸子咸來相助。每削藁。輒思有所檢閱。苦無書。求諸市中。多坊肆所刊。未敢信。乃思訪求善本。暨收藏有自者。會會稽徐氏鎔經鑄史齋之書將散。徐氏故子民居停主人。乞其介歸吾館。旋以數十櫝至。書固不惡。然所需者則猶未備也。

余昌言收書。聞者踵集。最先所得者。爲清初沈寶研據宋趙安仁刊所校之莊子。次則明洪武刊西域海達兒等之譯天文書。宋刊元明遞修之王充論衡。諸明刊所佚累害篇一葉猶存焉。

古籍散亡。印術日新。余恆思擇要影印以餉學者。然必須先得善本。革

命軍興。故家淪替。楹書莫守。時則北京清宗室盛氏意園、廣東豐順丁氏持靜齋所藏棄者。先後爲估人捆載而出。余各得其數種。而以影鈔明洪武刊之元朝祕史、宋景祐刊補元大德延祐元統明正統本之漢書爲之魁。

同館諸子謂宜乘時登報徵求。太倉謏聞齋顧氏後裔僑居上海者應募而至。邀余入城至其家。觀所藏。則櫺架凌亂。塵封蠹積。稍稍繙閱。大都爲黃蕘圃、汪閔源兩家之物。旣諧價矣。主人謂尙有鈔本數百冊。益我百金。可併攜去。余慨然諾之。則昭文張金吾所輯之詒經堂續經解也。今亦燬於兵燹矣。

於時溁陽端氏、江陰繆氏、巴陵方氏、荊州田氏、南海孔氏、海寧孫氏之

書亦各星散。余展轉蒐求。多有所獲。今錄中所載巍然首出者。有宋刊六臣注文選。則得之溁陽端氏。宋黃善夫刊史記。南北宋刊配合之南華真經。則得之荊州田氏。宋刊元修之資治通鑑。則得之南海孔氏。宋慶元刊春秋左傳正義。撫州本春秋公羊傳解詁。宋紹興刊後漢書。則得之海寧孫氏者也。

羣書充積。而罕見之本亦日有增益。書室狹隘。不能容。時人方以圖書館相督責。乃度工廠前寶山路左曩所置地。構築層樓。而東方圖書館以成。舉所常用之書實其中。以供衆覽。區所得宋元明舊刊暨鈔校本。名人手稿及其未刊者爲善本。別闢數楹以貯之。顏曰涵芬樓。

余積書之志至是稍慰。而影印古籍之念日迫。收書之願亦愈閎。烏程

密韻樓蔣氏所蓄書。視吾館尤富。質於浙江興業銀行。期滿不能償。吾乃輸鉅資以得之。其最可寶者。有嘉靖重寫之永樂大典十餘冊。而武英殿聚珍本水經注所自出之前半部。卽在其中。未幾。北伐軍起。訛言日至。東方圖書館距滬寧鐵道車站不半里。慮有不測。乃擇其尤者。移存故租界金城銀行保管庫中。戰事粗定。而揚州何氏之書。又有求沽之訊。余泝江而上。登門乞觀。察其書。多有用。且饒精本。市易既定。輦書而出。迨至鎮江。而江浙之戰又作。間關達滬。幸無遺佚。旣入庫。分別部居。急擇其珍祕者。登諸函芬。並簡其前所未及者。續移之金城庫中。部署甫竟。而倭寇遽至。一二八閘北之役。遂肇興於此時。大難未臨。余何幸。乃能爲思患之預防。不使此數十年辛勤所積之精華。同歸於盡。可

不謂天之所祐乎。

余樂觀此幸存之書。而又慮其聚久必散也。爰於暇日。各撰解題。成此四卷。總計所存。凡宋刊九十三部。元刊八十九部。明刊一百五十六部。鈔校本一百九十二部。稿本十七部。其曾入於著名藏家。如鄞縣范氏之天一閣、崑山徐氏之傳是樓、常熟毛氏之汲古閣、錢氏之述古堂、張氏之愛日精廬、秀水朱氏之曝書亭、歙縣鮑氏之知不足齋、吳縣黃氏之士禮居、長洲汪氏之藝芸書舍、及泰興延令季氏者。不可勝計。印記纍纍。其流傳固有緒也。清人校勘之學。夙絕前古。長洲何義門、仁和盧抱經、嘉定錢竹汀、曲阜孔荄谷、陽湖孫淵如、海寧陳仲魚、元和顧千里、高郵王伯申、吳縣黃蕘圃、長洲陳碩父輩。皆其矯矯者。錄中之書爲所

勘定者尤多。丹黃錯雜。析疑正謬。前賢手澤。歷久如新。是則至可寶貴者也。有何義門手校古今逸史全部。當危急時。曾令移出。典守者誤以他書充之。遂爲六丁攝去。變起倉卒。急不暇擇。類是者不知凡幾。每一念及。使我心痾。

民國之始。余銳意收集全國方志。初每冊值小銀錢一角。後有騰至什伯者。此雖不在善本之列。然積至二千六百餘種。凡二萬五千六百餘冊。亦非易易。今無一存焉。其間珍貴之紀述。恐有比善本爲尤重者。而善本之存。亦僅此數十篋焉。題曰燼餘。所以志痛也。

稿成儲之篋中。未敢問世。館友李拔可敦促再四。前歲始付製版。工僅及半。余以病阻。事遂中輟。拔可復約顧子起潛賡續爲之。起潛遂於流

略之學。悉心讐對。多所匡正。不數月遂觀厥成。滋可感也。

涵芬善本。原有簿錄。未燬之前。外人有借出錄副者。起潛語余。北京圖書館有傳鈔本。盍借歸併印。以見全豹。余韙其言。移書假得。審係草目。凌躐無序。就余記憶所及。遺漏甚夥。蔣何二氏之書。尤多未列。然所記書名。汰其已見是錄者。猶千有七百餘種。異日史家纂輯藝文。或可稍資采擇。因更按部分類。略加排比。校印既竣。以附卷末。後之覽者。庸有取焉。時距書焚後已十有九年矣。海鹽張元濟

涵芬樓燼餘書錄總目

經部

周易鄭康成注不分卷

宋王應麟輯 元刊本 一册

周易十卷

魏王弼晉韓康伯注 宋撫州刊本 四册

又一部

宋相臺岳氏刊本 四册

易傳殘四卷

宋程頤傳 元賈宋本 四册

漢上易傳十一卷

宋朱震撰 影鈔宋本 十册

周易要義殘六卷

宋魏了翁撰 宋刊本 五册

周易程朱先生傳義附錄十七卷

宋黃樸撰 元延祐刊本 八册

又一部

元至正刊本 八册

又一部

版本同前 十册

周易經傳集程朱解附錄纂註十四卷 元董真卿撰 元元統刊本 二十四冊

書集傳六卷 宋蔡沈撰 元耶季友音釋 元至正刊本 六冊

書蔡氏傳輯錄纂注六卷 元董鼎撰 元延祐刊本 六冊

直音傍訓尙書句解十三卷 元朱祖義撰 元刊本 四冊

詩經疏義二十卷 元朱公遷撰 明刊本 十冊

三家詩拾遺十卷 清范家相輯 鈔本 四冊

周禮鄭氏注十二卷 漢鄭玄注 明嘉靖刊本 六冊 錢謙默黃義圖校

周禮六卷 漢鄭玄注 清福禮堂刊本 三冊 陳碩甫校

禮經會元四卷 宋葉時撰 明覆元本 二冊

儀禮圖附旁通圖十八卷 宋楊復撰 明覆宋本 十六冊

纂圖互注禮記二十卷 漢鄭玄注 宋刊本 十冊

禮記正義殘二十八卷 漢鄭玄注 唐孔穎達等疏 宋紹熙刊本 十四冊

六

七

八

八

九

十

十二

十三

十四

十四

十五

十六

禮記要義殘三十一卷 宋魏了翁撰 宋刊本 十六册

大戴禮記十三卷 漢戴德撰 明覆宋本 二册

析城鄭氏家塾重校三禮圖二十卷 宋嚴崇義集注 蒙古刊本 十册

三禮疑義殘一百三十九卷 清吳廷華撰 清張月霄鈔本 四十八册

禮書一百五十卷 宋陳祥道撰 宋刊元修本 二十册

儀禮經傳通解儀禮集傳集注殘二卷 宋朱熹撰 宋刊本 二册

家禮集說不分卷 明馮善編 明宣德刊本 二册

春秋左傳正義三十六卷 晉杜預注 唐孔穎達疏 宋慶元刊本 三十二册

春秋公羊傳解詁十二卷附釋文一卷 漢何休注 唐陸德明音義 宋撫州刊本 七册

監本附釋音春秋穀梁傳注疏二十卷 晉范甯注 唐陸德明音義 唐楊士勛疏 宋刊本 十册

春秋五論不分卷 宋呂大圭撰 明姚舜吾手鈔本 一册

春秋諸國統記六卷 宋齊履謙撰 鈔本 二册